



TOSHKENT DAVLAT YURIDIK UNIVERSITETI REKTORINING B U Y R U G ' I

13.09.2023

470-tm-son

Talabalarni rag'batlantirish to'g'risida

O'zbekiston Respublikasi Prezidenti rahbarligida 2023-yil 11-aprel kuni "Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari yuzasidan o'tkazilgan videoselektor yig'ilishida berilgan 18-son topshiriqlar bayoni, O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni, Vazirlar Mahkamasining 2020-yil 31-yanvardagi "Oliy ta'lim muassasalari talabalariga to'lanadigan stipendiyalar miqdorlarini belgilash hamda stipendiyalar tayinlash va to'lash tartibini takomillashtirish chora-tadbirlari to'g'risida"gi 59-son qarori, Toshkent davlat yuridik universiteti (bundan buyon matnda – Universitet) rektorining 2022-yil 17-fevraldagi "Toshkent davlat yuridik universitetida ma'naviy-ma'rifiy ishlarni tizimlashtirish hamda talabalarning iqtidor va iste'dodlarini aniqlashni yangi bosqichga olib chiqish to'g'risida"gi 36-um-son, 2022-yil 28-oktabrdagi "Toshkent davlat yuridik universitetida klub va doimiy loyihalar faoliyatini samarali tashkil etish to'g'risida"gi 333-um-son buyrug'ida belgilangan vazifalar ijrosini ta'minlash, iqtidorli talabalar safini kengaytirish, ularga keng imkoniyat yaratish, munosib qo'llab-quvvatlash hamda universitet Stipendiya komissiyasining 2023-yil 8-avgustdagi talabalarni moddiy rag'batlantirish masalasi bo'yicha yig'ilishining 13-son bayonnomasiga muvofiq,

BUYURAMAN:

1. Toshkent davlat yuridik universiteti Stipendiya komissiyasining 2023-yil 8-avgustdagi talabalarni moddiy rag'batlantirish masalasi bo'yicha o'tkazilgan 13-son yig'ilish bayoni ma'lumot va ijro uchun qabul qilinsin.

2. Quyidagilar:

Universitet rektorining 2022-yil 4-oktabrdagi "Talabalar turar joyi boshqaruvida o'zini-o'zi boshqarish tizimini joriy etish hamda talabalar uchun munosib shart-sharoitlar yaratish to'g'risida"gi 295-um-son buyrug'ida "Eng

namunali talabalar turar joyi” tanlovini o‘tkazish belgilanganligi va tanlov komissiyasining 2023-yil 12-iyundagi 1-son yig‘ilish bayoniga muvofiq tanlov nominatsiyalari bo‘yicha g‘oliblar aniqlanganligi;

Universitet rektorining 2022-yil 28-oktabrdagi “Toshkent davlat yuridik universitetida klub va doimiy loyihalar faoliyatini samarali tashkil etish to‘g‘risida”gi 333-um-son buyrug‘i bilan universitet maqsad va vazifalarini talabalar orasida faol singdirgan, uning nomini xalqaro va respublika miqyosida keng targ‘ib qilgan, loyihasi talabalarning bilim va ko‘nikmalarini oshirishga va keng qamroviga xizmat qilgan koordinatorlar o‘rtasida “Eng yaxshi loyiha” tanlovini o‘tkazish belgilanganligini, tanlov komissiyasining 2023-yil 20-iyundagi 1-son yig‘ilish bayoniga muvofiq tanlov nominatsiyalari bo‘yicha g‘oliblar aniqlanganligi;

Universitet rektorining 2022-yil 29-dekabrdagi “O‘zbekiston Respublikasi Vazirlar Mahkamasining 2022-yil 19-dekabrdagi 196-son rayosat majlisi bayoni ijrosini ta‘minlash to‘g‘risida”gi 416-um-son buyrug‘i bilan talabalarning ijtimoiy faolliklarini munosib rag‘batlantirib borish bo‘yicha “Ijtimoiy faollik indeksi” baholash me‘zonlari belgilanganligini, tanlov komissiyasining 2023-yil 10-iyundagi 1-son yig‘ilish bayoniga muvofiq tanlov nominatsiyalari bo‘yicha g‘oliblar aniqlanganligi;

Universitetda bir qator tanlov va loyihalar tashkil etilib, unda talabalar munosib ishtirok etib kelayotganligi inobatga olinsin.

3. Universitet Stipendiya komissiyasining 2023-yil 8-avgustdagi talabalarni moddiy rag‘batlantirish masalasi bo‘yicha o‘tkazilgan 13-son yig‘ilish bayoniga muvofiq loyiha va tanlovlarda g‘oliblikni qo‘lga kiritgan hamda universitet faoliyat samaradorligiga o‘zining munosib hissasini qo‘shib kelayotgan talabalarni moddiy rag‘batlantirish bo‘yicha taqdim etilgan taklifga rozilik berilsin.

4. Universitetda 2022/2023-o‘quv yilining ikkinchi semestri davomida o‘tkazilgan loyiha va tanlovlarda munosib ishtirok etib g‘oliblikni qo‘lga kiritgan hamda alohida iqtidori bilan ta‘lim va tarbiya jarayonlarini tashkil etishda faollik ko‘rsatib kelayotgan talabalar ilovadagi jadvalga muvofiq moddiy rag‘batlantirilsin.

5. Buxgalteriya (M.Parpiyev) mazkur buyruq ilovasi bilan tasdiqlangan talabalarni moddiy rag‘batlantirish bilan bog‘liq to‘lovlarni Talabalarni rag‘batlantirish jamg‘armasi mablag‘lari hisobidan to‘lab berilishini ta‘minlasin.

6. Moliya iqtisod masalalari bo‘yicha prorektor A.Iminov universitetda o‘tkaziladigan loyiha va tanlovlarning fakultet bosqichlari uchun fakultet dekanlarining bildirgilariga muvofiq, mos ravishda sovg‘alar (bakal, termos, kitob, sport anjomlari kabi)ni universitet hisobidan xarid qilib, Ma‘naviyat va ma‘rifat markazi (Sh.Po‘lotov) bilan birgalikda fakultet dekanatlariga taqdim etilishini nazoratga olsin.

7. Ma‘naviyat va ma‘rifat markazi (Sh.Po‘lotov) hamda fakultet dekanlari: rag‘batlantirilgan talabalar to‘g‘risidagi ma‘lumotlarni talabalar orasida

hamda ijtimoiy tarmoqlar orqali keng targ'ib qilish choralarini ko'rsin;

talabalarni rag'batlantirish bilan bog'liq bo'lgan buxgalteriya hujjatlarini talabalar tomonidan o'z vaqtida buxgalteriyaga taqdim etilishini ta'minlasin hamda saqlanishini nazorat qilsin.

8. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Bosh buxgalter

M.PARPIYEV



Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Moliya-iqtisod ishlar bo‘yicha
prorektor

A.IMINOV



Katta yuriskonsult

A.TURSUNOV



Buyruq bilan tanishdim

SH.SAYDULLAYEV

D.KAMALOVA

B.MUSAYEV

D.UMARXANOVA